



Proyecto di lesamento 'Bon Nochi Drumi Dushi' ta inaugura prome temporada pa 2009



presentes:

LEE PRODUCTIONS

OLGA TAÑON
FUEGO EN VIVO
2009



Date: May 30th, 2009
Place: Stadium Britannia, Piedra Plat
Opening act: Deja Vu
Roberto & su Solo Banda Show
Main act: 'La mujer de fuego' OLGA TAÑON
Closing act: Tsunami
Time: 7:00 pm - 2:00 am
Price VIP: Afl. 200,- (open premium bar & waiter service)
Price Gen: Afl. 60,- Pre sale (non-refundable)
Afl. 70,- Door sale (non-refundable)

Tickets available at: Peanuts restaurant, Cd's & more, Magic FM & Xclusivo Magazine.
For VIP ticket reservation call: 593-4455



Proyecto di lesamento 'Bon Nochi Drumí Dushi' ta inaugura prome temporada pa 2009



ORANJESTAD - Bon nochi, drumí dushi ta un proyecto di lesamento na cas cu tin e meta di brinda famianan un herment di sosten pa rebiba of fortifica e interes den lesamento. Un mucha cu lanta den ambiente cu ta estimul'e pa lesa, tin hopi mas oportunidad di desaroya interes den lesamento.

Na aña 2007 a lansa e proyecto pa prome biaha hunto cu Biblioteca Nacional y a sinti cu interes di pueblo tabata grandi pa e proyecto keda desaroya. For di e principio aki tambe Cede Aruba a tuma e decision di financia e proyecto.

E proyecto su enfoke central ta generalmente e mucha di 4 pa 8 aña, pasobra esaki ta e edad mas apropiada pa lanta interes den lesamento cerca un mucha.

Sin contribucion, empeño y motivacion di e lesado boluntario, Bon nochi, drumí dushi no por cumpli cu e meta stipula. A cuminsa na aña 2007 cu mas of menos 20 lesado y actualmente e proyecto ta conta cu mas di 40 lesado.

E lesado di Bon nochi, drumí dushi ta haya un preparacion pa medio di un tayer di lesamento prepara pa Biblioteca Nacional hunto cu e grupo di trabou di Bon nochi, drumí dushi, prome

cu e periodo di lesamento cuminsa. E aña aki esaki ta tuma lugar, diasabra 9 di mei di 9or pa 2or, na Biblioteca Nacional na Playa.

Bon nochi, drumí dushi tin dos periodo di lesamento. E prome periodo ta cuminsa e aña aki dia 11 di mei pa 5 di juni y e di dos periodo ta durante luna di October. Durante cuater siman un lesado boluntario ta bishita 8 cas di famia, dos biaha. Cada bishita na cas ta dura 30 minuut.

Na November despues di e dos periodonan di lesamento ta sigui un anochi di clausura unda ta invita tur mucha cu a haya bishita na cas durante e dos periodonan. Aña pasa e anochi aki a tuma lugar na Club Don Bosco y a hiba e lema di 'anochi di fantasia'.

Na aña 2008 e proyecto a expande y cu financiamiento di UNOCA a implementa e di dos fase di Bon nochi, drumí dushi. A graba 1 serie di 12 programa pa television y esaki a sigui na 2009 tambe cu un serie di 12 programa mas cu ta pasa na canal 15 tur diamars y diahuebs pa 6 or y mei y tur diabierna na canal 13 pa 7 or y mei.

E aña aki cu financiamiento di

UNOCA e proyecto lo lansa su prome DVD riba mercado cu ta encera 12 storia graba pa mucha.

Dia 18 di mei venidero Bon nochi, drumí dushi ta tene un exposicion di e trabou di e muchanan cu a bishita e anochi di clausura na luna di November na Club Don Bosco. E mesun dia ey tambe ta lanza alavez e prome DVD di Bon nochi, drumí dushi. Lo tin presentacion di un buki nobo como sorpresa. Bon nochi, drumí dushi kier invita tur mucha pa bishita Biblioteca Nacional na Playa, diaranzon 18 di mei, pa 6 or pa

presencia apertura, exposicion di pintura y lanzamiento di e DVD.

Mayornan cu ta interesa pa haya bishita di un lesado na cas por aplica pa participa na e proyecto door di yena un formulario di inscripcion cu tin disponibel na Biblioteca Nacional Oranjestad of San Nicolas, Van Dorp y Plaza Bookstore y entrega esaki na e mesun establecimentonan aki.

Bon nochi, drumí dushi kier gradici CEDE Aruba, UNOCA, Biblioteca Nacional y tur su lesadornan pa nan sosten y confianza den e proyecto.